

Dukhiyo Pe Kuchh Raham Karo Lyrics - Talaq :

Singer - [Asha Bhosle](#), [Aarti Mukherji](#)

Lyricist -

Music -

Music Label -

Ai duniya ke maan-baap suno ye desh hai kishan-kanhaiya ka
Ye bhoomi wahi hai pyaar jahaan lutata tha jashoda maiya ka
Lekin is desh mein hi ab to aise bhi abhaage hote hain
Maan-baap ke hote huye bhi jo hansane ki umar mein rote hain
Dukhiyon pe kuch raham karo maan-baap hamaare
Bhoole ho jinhen ham wahi bachche hain tumhaare
-2
Dukhiyon pe kuch raham karo
Ham hain wo diye rooth gai jin se deewaali
-2
Wo phool hain jinase yahaan naaraaz hai maali
Ham wo hain jo pyaase rahe ganga ke kinaare
Bhoole ho jinhen ham wahi bachche hain tumhaare
Dukhiyon pe kuch raham karo
Ho
Jo ho sake tumase to zara pyaar hamein do
-2
Ham ro rahe hain hansane ka adhikaar hamein do
Pyaar hamein do
Aangan mein tumhaare hain khade haath pasaare
Bhoole ho jinhen ham wahi bachche hain tumhaare
Dukhiyon pe kuch raham karo
Maiya zara ek baar hamein paas bula lo
-2
Baapu hamein sansaar ki aandhi se bacha lo
Tumako hamaari aankh ka har aansu pukaare
Bhoole ho jinhen ham wahi bachche hain tumhaare
Dukhiyon pe kuch raham karo maan-baap hamaare
Bhoole ho jinhen ham wahi bachche hain tumhaare
Dukhiyon pe kuch raham karo